

11 JUN 1998

AGONG, DR MAHATHIR HANTAR PERUTUSAN TAHNIAH KPD RAMOS

KUALA LUMPUR, 11 Jun (Bernama) -- Yang di-Pertuan Agong Tuanku Ja'afar mengirinkan perutusan tahniah kepada Presiden Fidel Ramos sempena perayaan 100 tahun kemerdekaan Filipina esok.

Baginda sukacita Filipina telah mengalami pembangunan dan kemajuan pesat sejak beberapa tahun dan melahirkan keyakinan hubungan kedua-dua negara akan terus dipertingkatkan dan diperkukuhkan demi faedah rakyat kedua-dua negara.

Dalam perutusan yang serupa kepada Ramos, Perdana Menteri Datuk Seri Dr Mahathir Mohamad berkata peristiwa itu melambangkan pencapaian bersejarah bagi rakyat Filipina dalam perjuangan mereka untuk melahirkan sebuah negara yang kemudiannya mendorong penduduk di Asia Tenggara berjuang untuk matlamat yang serupa.

Perdana Menteri melahirkan harapan hubungan erat antara kedua-dua negara dapat diperkukuhkan lagi.

Menteri Luar Datuk Seri Abdullah Ahmad Badawi juga mengutuskan ucapan tahniah serupa kepada rakan sejawatannya, Domingo Siazon.

Sementara itu, Wisma Putra berkata Abdullah akan mewakili kerajaan Malaysia ke upacara sambutan perayaan itu di Manila esok.

-- BERNAMA

MAM oba